

處州府志

ル 5

1573

22



門 凡 呂 5  
冊 1373  
卷 22



處州府志卷之二十四

處州府知府元和潘紹詒重修

風土志

風俗

土產

國奢示儉國儉示禮風氣各殊在司牧者轉移之耳  
處郡十邑地瘠民勞物產無多嗜好亦鮮昔人謂其  
土俗簡以質其田賦薄以寡耕讀之外無餘事非切  
已不至公庭所謂修其教不易其俗者道德齊禮易  
於沃土矣採風問俗應以唐魏例之志風土

風俗

栝蒼彙記稱道當甌婺之衝疲於陸運估据樹藝僅

資俯仰崇貞舊志謂力耕種尚儉嗇買遷不越隣封山谷遐阻商賈罕集載籍流傳今昔無異情也證以歲時習尚各邑大率相同云

處屬俗不華侈人安儉樸務本業而輕未利四民之家先衣食而後詩書於子弟學業罕能培植延師簡薄課督不勤甚有厠身鬻序而分營農圃此雖迫於饑寒而士風不振未必不由此也

環治皆崇山峻嶺曠土邃谷可墾之土所在皆是故患民不爲農不患農無可耕惟上農按節候覘晴雨得稼穡之宜歲入饒足中下者志貪而本嗇種多而力

少棲畝之禾半滋稂莠田穉之害不特在蝨賊也

郡非津要商賈鮮通百貨缺如市井自米粟魚鹽布縷而外他無異物每月以三七日爲市期四民咸集交易而退有古日中爲市之意所售之貨惟米價最長欺僞雨暘稍稍失序價輒騰踴出米爛惡市者恬不爲忌購者忍受其累

處郡十邑男鮮羅紉婦無盛飾崇節約而務樸誠風最近古然比閭之間其秀者廉隅自飭其樸者栖身農畝更有術業不成饑驅無策便窳名胥吏營窟公庭以庇門戶至巨姦大慝罕有聞者

古稱山國之民其氣剛以勁處介萬山人尙氣節蓋亦稟山川之氣而然者無論城邑卽僻壤編氓饑寒切膚斷不肯鬻其子女里閭有富貴人啗以厚利令其肩輿執蓋亦斷不屑從充其羞惡可以端所好矣俗惟佞鬼巫相沿積習牢不可破符籙輪廻之說衆口豔稱以爲美談士庶家每朔望早起盥洗畢卽攜冥鏹楮幣遍禮各祠宇至閨中婦女信嗜尤篤逐羣聯會莊誦婆羅洵結習之不可解者

麗水俗尙儉嗇人重本業守禮奉公頗稱易治顧阻依山谷歲入鮮少徵需繁劇流弊滋多故調停節約俟

蘇望殷邇來惰農坐食浮戶四集惡少務爲奸利黠猾以公門爲窟穴故保息以滋植萐奸蠹而垂惠利是在治人耳

舊志

俗敦禮讓重廉恥衣斥紈綺食甘粗糲餉賓具雞黍率以四簋加隆乃倍之女勤紡績不爲燕游

女待嫁於雙歲年自織大布與母親染茜紅擇吉製被襖相衣之屬戒孕婦及贅者見之迎奩時擔草蓐插通草花於上以殿儀從之末嫁事漸以增華二者猶循古也

聘禮之奢者侑以簪珥彩帛復飾文綺爲人物花卉珍

禽異獸各數十事輿從多人導以鼓樂嫁者因以加豐或至耗其生產里俗誇羨以爲飾觀故諺云千金嫁女心不足百金教子如剜肉

親喪卽免經執織走告所親曰報喪否則以爲不恭延僧道誦經曰開喪七日建設道場曰超度先一夜孝子執魂旛率眷屬尾僧道詣門外西向俯伏僧道誦經畢贊曰哭則大哭執香焚紙鏹以歸曰接七掃墓多以寒食節及孟冬朔日至親生卒之日必祭於享堂以望族而外不盡立宗祠也

地無珍產商賈鮮通每月郡城以三七日爲市碧湖以

丑辰日爲市所陳諸物率雞豚米粟之類暘雨偶愆則米價驟騰質復濫惡糶升斗者深以爲病舊志之

言如此今尙未革云

前代有南明九龍蘇步石牛寶定均溪官橋下河青林堰頭太平巖泉葛渡等市今俱廢

土人循山開田高低鱗次或數級纔能盈畝惟賴山水灌注縣令方亨感詩所謂田澆峯頂雨山擁馬頭雲也土多勃壤不能蓄水夏至後晴稍久民間輒數十百人相將入山取潭水中鱗介之屬以回曰取龍入城投牒官署長官僚佐行禮畢迺去

唐時禱雨於北山麗陽廟有甘雨隨車之應今於城中

立壇或靈水官有司朝夕步禱不應則士民赴白雲山禱大士進水簾洞取龍謂之取官龍文武官咸迎於望京門既至虔禱如初再不應則改禱於天堂洞焉

俗尙巫鬼病者延醫不效必召巫巫鳴笳鼓曼聲唱俚語謂之高臺招魂事畢書符封門阻客三日往往醫不及施邇來黠巫恐術敗倡為醫生不忌人買藥不忌出之說愚民憑其顛倒而不悟也

婦女敬事夫人即所稱順懿夫人護國馬夫人也順懿廟在太平坊鶴鳴井者香火尤盛凡求子者必赴廟

虔禱兒生自洗兒及彌月週歲必設位於家供香花招替者唱夫人遺事曰唱夫人每歲上元前二日司事擇婦人福壽者數人為夫人沐浴更新衣次日平明陞座各官行禮士女焚香膜拜絡繹不絕至夜昇夫人像巡行街市張燈結彩鼓吹喧闐小兒數百人皆執花燈跨馬列前隊觀者塞路至元夕南園管痘

夫人出亦如之雷學海上元燈社歌香烟滃起夫人宮尊鼎清潔羊豕豐僉曰懿德慈愚蒙神麻衍義神聰與熊繩繩慶衍詩三與熊繩繩慶衍詩三提攜赤子歸旂幪佳祥入夢罷龜筮從手持辨香前御儀仗雉五花紗障新御儀仗雉五花紗障新盤絨剪絲畫燭行人共燈光夜照青山紅連錢寶馬襦珠珮交蘇胸乳香流夜照青山紅連錢寶馬溢垂絲懸其鼓駭駭無或忪

扶持保抱伊神功高樓羅綺依簾櫳口宣神號相于  
喁破顏亦有華顛翁孩時逐隊今龍鍾廣衢延仁心  
仲仲縮符自愧非黃龔魯人獵較隨土  
風作詩歌唱付瞽矇神人和洽春融融

元日肅衣冠禮神及祖然後互相慶賀或折柏枝聯柿  
橘懸諸門謂之百事吉以方言橘吉同音也

立春日然香燭蒸樟樹枝於庭謂之接春放爆竹謂之  
彈春

正月十三日巧製諸燈畢集於市謂之燈市夜則廟中  
皆張燈火民家亦懸燈競勝謂之上燈夜猶古試燈  
也

未驚蟄前聞雷必大風雪謂之雷雪風甚有四十九日

始晴者

春秋二社前具雞黍當街設祭祭畢饌飲謂之燒介福  
社日田野祀穀神是日播種謂之社秧婦女出游謂之  
嬉社

三月三日賽圍山温元帥廟昇其像巡街逐疫所至皆  
設祭演劇鬼裝者前導黃金四目詭狀殊形出行春  
門至下河而回

清明節煮蓬葉為汁和米粉為粿妝謂之寒食果必獻  
其先蓋禁火遺意也

立夏日煮筍豆和粳米作飯謂之立夏飯云是日食梅

則辟飛絲食筍則胥健

端午門插蒲艾婦女作繭虎繫長命縷與他處同向有龍舟之戲因舟覆戒勿爲嘉慶初總戎韓正國謂可藉以教水戰選健卒數十人習之放鴨中流先至者任取之自是以爲常道光十九年水漲舟覆死者五人復戒勿爲矣

夏至日農家具酒肉祭田間曰做田福是日見禾穎先茁者曰挂榜取盂水曝日中抹小兒面背云不生痲子是日聞雷多旱諺云夏至響雷公塘裏好栽葱六月初一日雨則禾有蟲患謂之放稻蟲初二日再雨

則無患謂之殺稻蟲

六月初六日曝書曬衣云可辟蠹兒童浴狗於池以爲故事

六月十九日多雨謂之觀音颶二十八日昇麗陽廟三神像出巡是日多雨謂之麗陽颶

七月七日婦女解端陽繫臂絲縷團飯拋屋上謂資烏鵲填橋夜則陳瓜果乞巧焉

七月晦日於門外然燭焚香或燔柴於路謂之點街燈云爲地藏神慶生辰也

臘之二十四夜祀竈必設餽餉除夕懸先人遺像於堂



祭畢而飲謂之分歲少者禮長者謂之辭歲

畚民不知其種類云順治十八年由交趾遷瓊州由瓊州遷處州結廬深山務耕作畚婦戴布冠綴石珠赤足負戴土著者賤之斥爲盤瓠遺種嘉慶八年儀徵阮文達公撫浙會同學使文甯咨准一體考試其散居温州者於道光六年援例求考諸生稟於學使寶應朱文定公云照例身家不清白者不准與考泰順畚民皆作輿臺爲人役身家未爲清白奉批不准與考麗邑畚民亦有與之相類者當分別觀之也

縣志

青田俗尚儉樸文學之士雅嗜吟咏而樂談理致前朝

聲猷相望乃邇年土田磽瘠加以水旱迭災催科日擾胥徒爲奸欲求文學如往昔所稱不可復得抑豪右還流移清寄籍杜姦利今日急務也

舊志

俗尚簡樸衣用大布食飲不貴異物貧富不相耀

子弟六歲就小學貧士帶經而鋤里巷市廛所過輒聞

讀書聲

人情重去其鄉賤逐末劉誠意嘗云吾邑人富不滿萬金貧不離故鄉

食祿素封之家不買女奴卽有養女善遣嫁之如已出

從無錮婢之習

人尚氣節雖凍餒瀕溝壑予以重利令為肩輿執蓋之役決不屑從性剛勁喜鬪然無諂諛態

市無二價權量畫一銀色不淆豚羔不加飾

男女安荆布無長裙高髻勤紡織游冶之出罕焉

俗畏事鬼神有受讞大庭飾詞不供者令誓於廟則大

懼俗人遠出必請香火而行

縣志

冠婚喪祭歲時習尚與麗景等邑大畧相同

縉雲風俗舊志稱與麗同自宋朱晦翁先生過化之後

士尚廉介家習儒業絃誦之聲接於四境雅稱文獻

之區彙紀稱道當甌婺之衝疲於陸運拮据樹藝僅

供門戶耳士勵廉隅俗尚儉節為十邑最

舊志

地瘠人貧躬儉嗇尚樸素安土重遷家習儒業

圖經

地方百里山居其六又道當甌婺之衝疲於陸運拮据

樹藝僅供門戶耳往昔士勵廉隅俗尚儉節庶幾陶

唐蟋蟀之遺邇者人恣剛勇競事鬪訟甚者包攬侵

欺公私繁耗積習已深民受其困矣然樂羣誦習競

心建立士風為十邑最

枯蒼彙紀

冠禮之設將責人以成人之道也此禮不行其弊滋甚

司馬溫公嘗極論之且為酌其宜曰古雖稱二十而

冠然世俗之失不可驟變若敦厚好古之君子俟其

年十五以上能通論語孝經粗知禮義之方斯其美矣先王之成法與先哲之格言具在所賴有風化之責者參觀而約取之以爲斯世遵行可也

婚禮重媒妁言定後問名納幣納采請期遵用古禮與麗青等邑大畧相同

喪禮大小殮與哭奠及袒括辟踊諸節頗遵家禮延僧道作佛事者百中一二

元旦焚香然燭禮神祀祖族黨往還慶賀會飲元夕張燈有橋龍燈彩茶燈竹馬燈臺閣燈之類清明寒食節家做青糗前後十日備牲禮祭掃於墓卽於所祭

之處分頒會食名曰散清其豐約各從祭田所出之數卽無祭田者亦必竭力營辦重報本且以收族也立夏日煮筍飯食青梅端陽食粽與蒜飲雄黃酒插艾旗及菖蒲劍午時采百草煎湯沐浴七夕女兒陳瓜果於庭乞巧中元家祭祖先或設蘭盤會於祠宇中秋重陽禮數與俗同十月十五日小陽春賽祭城隍冬至合族拜祭於祠又祭祖先於其室除夕備牲醴謝城隍本堡五祀卑幼各拜尊長謂之辭年縣四面皆山人苦陸運地無珍產商賈鮮通縣治每月以三八日爲市期所陳惟米粟布縷雞豚鵝鴨之屬

四民咸集薄晚始散

縣志

松陽縣地無他業一意力本磽确墳墟之區蓄洩後時年遂不登况齋用紛華漏卮難實乃人崇信義家置祭田基建祠宇兢兢乎報本追遠之風誠得徵輪有序操其奇贏令人有法守不失望縣之舊

舊志

男女盡力於耕織安土重遷儒雅以儉嗇自持邑非津要商賈鮮通百貨難備市井間自布帛菽粟而外別無異物每月城中以一六日為市期舊市以四九日為市期至期四民咸集交易而退

家多置塾延師勤教力學曩者宦業相望今雖少遜前

徽然人文蔚起是在加意以振刷之耳

俗多信鬼崇神疾病則醫為後圖禱為先務甚至鳴鑼擊鼓喧嚷竟夕云招病者之魂可以勿藥而愈相沿

成習

冠禮久不舉行松俗特重婚禮兩姓之好必憑媒妁訂定無問名禮相沿不用庚帖擇日送聘惟以鴛鴦書二本均如副啟式男送女答婿登門叩拜曰拜親將娶請期曰送日親迎不行已久惟族戚數人衣冠迎於半途曰接路女家亦有數人送至半途曰送嫁途中左右分班行禮揖讓而退婦至合卺廟見如古禮

喪祭之儀豐約各隨其分三日內殯殮親屬慰唁遇七期設祭間有以浮屠修佛事者家若豐厚俱皆分帛至衰經苴杖皆如古制

葬期不拘久暫或有遲之數月數載者

四時皆祭而俗各不同如掃墓多用新正寒食亦有用重陽者至親之生卒追祭則同祭必豐潔其餘時節祀事各祠皆有成規無祠者祭於家

元旦晨起肅衣冠禮神祀祖互相慶賀或折柏枝繫柿橘俗呼百事吉懸之中庭以示嘉兆競放爆竹以禱不祥

上元各街市架棚懸燈神祠家廟結燈綵設祭鼓吹喧闐爆竹競響自十四夜起至十六夜而止

鄉俗於清明之前卜吉設醮於城隍廟齋戒極誠鼓吹呼擁迎城隍神溫太保神周巡城鄉所以逐疫裝扮臺閣前導彷彿古儼遺意

清明門戶插柳枝掃墓掛紙近者挈家人穉子偕行攜酒敬拜奠

午日以蒲艾插戶裏角黍親友相餽遺兒童繫彩縷佩香囊舉家飲菖蒲雄黃酒溪河亦有競渡之觀

七夕女子有備蔬果香燭乞巧者

中元祀先為蘭盆會插香燭焚紙於道

中秋夜各家飲酒玩月

重陽有祀先者各泛茱萸酒噉新菽登高

冬至前一夜各家祀神祭祖鼓樂喧闐

冬至日各祠祀先

除夕親朋多有餽遺互相酬答當夕祀神祭祖家人宴

飲曰洗塵縣志

遂昌縣山稠田狹民甘儉約而勤耕種土崇禮義而尚

儒雅古稱好訟喜鬪習險難治今殆庶舊志俗微汰

侈生事殊鮮催科頗難若人文彬起禮讓成俗而好

氣風習稍衰彙紀文物之盛彬彬郁郁與他郡爭衡且

崇禮甘儉不尚浮屠各建家祠有古立宗法崇祭祀

之意舊志

古栝遺芳稱遂雖山邑詩書之族後先相望其間或以

名節著或以經學聞在山澤有韜晦而閭閻有孝義

遂俗崇禮節儉不尚浮屠從無女僧

冠禮久不舉行婚禮必憑媒妁訂定凡納采行聘迎娶

合昏廟見等事大率與古禮相仿

喪禮豐約隨分三日內殯殮親屬慰唁至七日設祭男

女往弔衰經苴杖一如古制凡有姻戚祭奠以七七

爲期浮屠法事近今漸弛獨葬期不拘久暫或遲之數月數載則習於形家風水之說

凡丁衆稍繁之家卽置買祭田創建宗祠立堂廡置龕室以奉祀祖先族必刊譜詳序世系

履端之始民俗肅衣冠禮神祀祖先而後互相慶賀除夜祀門祭竈折柏枝繫柿櫛俗呼百事吉懸之中庭立春先一日迎春於東郊祭芒神鞭春牛

上元各神祠家廟設祭結綵張燈沿街相續鼓吹喧闐爆竹烟火踏歌燭龍或巧裝藏燈鼇山自十三試燈至旣望夜而止

社日鄉社各祭先農祈穀報賽

社後卜吉設醮呼擁鼓吹肩輿溫元帥周巡四隅扮臺

閣前導拖船於市以逐疫

清明門戶插柳掃墓掛紙近者挈家人婦子奠酒漿焚紙錢於卍隴山麓間

四月八日浴佛之辰鄉俗取楓葉等汁漬米名曰烏飯重午以蒲艾插戶裏角黍親友互相餽遺兒童繫縷佩香囊舉家飲菖蒲雄黃酒當午競採藥并取百草煮湯以浴

七夕女子間有備蔬果香燭乞巧者

中元祀先為蘭盆勝會插香燭焚紙於道

中秋祀先延賓玩月

重陽祀先泛茱萸酒噉新菽登高

冬至祀先祖

除夕先數日謝神當夕奉祀先祖坐夜守歲爆竹達旦

縣志

龍泉治內山多田少昔民力耕種尚儉嗇商旅憚於遠

出貿遷不越鄰封積書教子宦業相望惜今不古若

豈教化之未溥抑山川氣運之否塞舊志民間疾苦始

於限田置里分析培克即田家入不償出皆操切以

紓目前之急集紀

工藝悉資外境僑居什之五六民代焚之以報山恩

俗佞神尚巫病者不問醫藥專事禳祈擊鼓鳴金喧闐

晝夜婦女信嗜尤篤三月二十八日為東嶽誕辰七

月七日為馬夫人誕辰逐隊禱祠殆成積習夏秋間

昂山進香者尤盛

溪嶺深邃棚民聚處種麻植靛燒炭採菰所在多有惟

木厥實繁有徒易藏奸匪

婚禮不親迎禮文自回帖聘定告祖催妝謝親凡五次

若途遠者謝親備物而婿不親詣



喪禮殮於正寢有礙孤虛者雖父子必避百日而葬亦有信堪輿家言遲至十數年者

元日專祀土地名曰開年五日接神

元夕里社各設彩燈

寒食或祭於墓或祭於祠

重午先於初四日具蒲觴相傳胡仲淵以五日出師改

期沿為習俗

中元以蔬果薦祖或設盂蘭盆會

除夕爆竹聲聒耳或取乾竹於戶外焚之以辟山魃

縣志

慶元俗鮮工商一意農務敦讓厚別兢兢約束號為易

治邇來矜尚服物轉薄文藝渺上對公車者慎封守

嚴保甲督課試繩僭踰救時無過是矣彙紀

士人家不畜僕童有場圃者雇人種蔬無者採買於市

弟子閒時出就外傳入學後多務家政喜無遊人異

物以遷其志亦無繁文縟節以蕩其心服飾布素不

尚綺羅齊之以禮頗能復古

古者農之子恒為農茲則不然或有耕而兼讀者或有

耕而挂名胥吏者避役故也今里役已革民得專意

田畝一年所出可贍數口邑中輿夫甚少習者性多

倨傲非倍其值不肯行

工匠悉資外籍石工則甯德木工則江西近則紙廠為盛

行商以種葦為業其次運木者亦歲歲有之他業則罕有

冠禮久已不行女子臨嫁而笄凡在戚屬召讌者女家必答席

初議婚不及問名即納銀飾謂之插定正聘時納銀幣謂之送茶請期餽禮與各邑相似亦不親迎

喪祭諸禮與龍雲各邑相同

元旦禮神及祖插柏枝盛柿桔舉家食素

上元自十三夜至十五夜架釐山剪綵張燈迓土神出遊笙歌戲劇雜沓往來夜闌則止

春社日祀社祈年

清明日致祭祖祠祭掃先墳

仲夏四日懸蒲艾以酒食角黍薦寢祀先相傳胡仲淵以午日出師改焉遂沿為例

端午日收百草沐浴飲雄黃菖蒲酒食角黍

六月六日曬衣書

中元家各祀先不舉葦祠內豎旛道場舉盂蘭會

秋社祀神

中秋夜飲酒玩月

重陽祀先食角黍登高

除夕晡前祀神祭先放爆竹日辭年是夕守歲如古禮

縣志

雲和俗敦廉恥尚節概力耕勤織藉非凶歲兵興衣食  
聊足自給惟工藝貿易悉資外販故流移僑居什六  
而是嘉隆以來丁產漸耗里遞具存清理之法反滋

奸弊

山多田少土瘠民貧俗躬儉嗇尚樸素李鄴侯興學後

儒業文風漸盛

宋圖經

佞鬼尚巫雖士夫家不免黃緇送喪能斥之者惟二三

著姓而已

崇貞舊志

質實浮靡彼此相半

康熙林志

康熙以來風氣漸開文物衣冠駸駸美盛

乾隆寶志

耕農慵窳婦少蠶織山澤之利棄而不收富民罔知蓋

藏一遇歉歲舉縣嗷嗷

嘉慶陳志

前明之世士夫寢盛近則科第寥寥富民延師簡薄督  
課不勤學業罕能培植寒素尤先衣食而後詩書甚  
有一入黌宮卽分營農圃者文風不振職此之由

平嶺廣谷邑多可耕之土惟田多勃壤不注水耕農又罔知瀦蓄夏旱逾旬日鄉民輒禱諸神羣往麗邑下莊昇護國夫人像入城投牒官長行禮而去城中設壇有司昕夕偕士民步禱不應則昇順懿夫人像或詣婁狗山仙瀑巖夏洞天諸處取龍入城虔禱如初再不應則改禱於阜安門大士閣焉

工匠雜伎土著絕稀業此者多外籍人故流移轉徙者比比而是

邑素尠貿遷近乃漸夥第灘淺港狹不通商舶布縷食貨悉資外販而貿米尤艱雨暘稍失序龍斷居奇價

輒驟踴貧民深以爲病

冠禮明季尙行之今則不備三加女子臨嫁而笄二者皆不循古制矣

初議婚餽聘曰拜擔臨娶餽禮曰大擔婿不親迎輿從多人鼓樂喧闐嫁者或加豐以示觀美

喪祭諸禮與慶宣各邑大畧相同

元日早起開門放爆竹謁家廟尊長畢以次拜鄰里親戚

十三日上燈夜六坊居民截竹爲龍燈周巡城隅

清明折柳插門拜掃先塋

社日撒穀種謂之社秧

端午採蒲艾插門午時飲雄黃菖蒲酒

夏至日農家具酒食祭田間謂之做田福

六月初六日曬書帙衣裘

七夕為護國夫人誕辰里巫以綵縷繫小兒頸臂云可

長命謂之長命絲

十五日祀先僧道設齋為人薦亡夜施水燈謂之蘭盆

會

中秋夕飲酒玩月

九月九日士人携榼獅山為登高會

冬至祀先亦有拜掃先塋者

除日祀竈設先人遺像於堂祭畢老幼聚飲謂之分歲

少者辭老者謂之辭歲有圍鑪守歲達旦不寐者縣志

宣平俗本固樸始以坑冶致患民習不涓繼因建縣興

學習知禮法乃崇儉務本漸異於昔舊志民多惑於浮

屠而訟訐求勝夙習猶有存者策紀

自李鄴侯興學立教人材輩出逮宋南渡後科甲蟬聯

元置儒士於九等讀書者無志應試明罹礦徒騷擾

村落邱墟不暇絃誦自景泰分縣獲售南宮僅數人

焉

國朝加意作人文風漸盛士品漸醇

地少蠶桑惟事農圃人事不齊耕耨後時上田僅及下田所獲山多田少頗宜麻靛麻始於江右人靛始於閩人江閩人居宣者十之七利盡歸焉今土著亦種靛又多種烟草

冠婚喪祭諸禮與慶雲各邑大畧相同惟有因葬後不吉檢骨以子孫衣衫並紅布衾包裹以瘞謂吉蔭甚速斯誠惡俗

摘叙縣志

歲時風尚與慶雲各邑同

景甯山谷遐阻商賈罕集人惟力田務穡無他為生慮

稅之累歲歲不貲行鹽派輸鋪戶勒限取盈率至破家轉徙乃爭訟鮮少士務禮讓自昔記之

舊志

山峻水急土瘠民貧人多徑率俗尚質野賤末技不喜離鄉亦無游人異物以遷其志男耕耘女紡績僅給衣食畏官法惜身家涉書史綽有古風縣尹陳嚴之題云此邗近似唐朝古我輩當如漢吏循

東鄙青田野樸務農鮮讀書禮儀無聞

南近閩疆者性强悍習工匠近泰順者性質實工農參半士風亦樸

西近慶元者擅木植水利人多田寡農隙多經營於外

習詩書者頗盛近雲龍者土薄民狡衣冠之士尙知自愛

北沿大溪田瘠畏旱多種麻靛聞人雜處近青田者事貿易讀書頗盛尙有儒風

摘叙縣志

冠婚喪祭歲時習俗與青龍慶雲等邑大畧相同

土產

橘踰淮化枳鸚鵡不踰濟風土殊斯物產異也十邑所產筍竹茶葦杉木冶鐵波及他邑其餘土之所宜別無珍異而布帛菽粟之外日用俱取給裕如方物當備詳焉

麗水縣

穀類

稻有梗糯二種早晚二熟赤白二色黍 稷 麥有大小三種菽有大二種蠶豆茶

豆青赤白黑黃綠諸色芝麻黑白二色

菜類

薑 薯 蒿 葱 蒜 薤 菠薐 匏 莧 芹  
筍 芋 冬白 九心 茄 萵苣 苦蕒 薯  
蓬 蘿蔔 王瓜 絲瓜 冬瓜 稍瓜 藜豆  
刀豆 扁豆 多白 多芥 多韭

花類

牡丹 芙蓉 芍藥 木槿 薔薇 水梔 丹桂

山丹 剪竹 丁香 雞冠 瑞香 茉莉 川

鶻 鶯粟 鳳仙 玫瑰 玉簪 子午 矮桃

郁李 紫荊 紫薇 剪春羅 黃地棠 月月紅

海棠 美人蕉 夾竹桃 觀音蓮 玉繡毬

金盞銀臺 金絲蝴蝶 荷 葵 護 茶 蕙

蘭 菊

果類 桃 李 杏 柰 柑 橘 橙 榧 菱 銀杏

藕 蕉 柿 梅 楮 栗 棠梨 鶯梨 櫻

桃 枇杷 林檎 蓮子 葡萄 金豆 甜瓜

西瓜 石榴 棗 木桃

藥類

茯苓 白芷 仙茅 茱萸 厚樸 槐角 射干

丹參 苦參 荊芥 烏藥 黃連 黃梔 半夏

甘草 芍藥 前胡 地榆 商陸 薄荷 紫蘇

紅花 紫草 陳皮 枳殼 木香 淡竹 枳實

粟殼 青皮 黃蘗 茴香 桔梗 蒼朮 瓜蒌

益母 蒼耳 香薷 天冬 麥冬 五味子 桑

白皮 五加皮 牽牛子 青箱子 天南星 威



靈仙 石菖蒲 枸杞子 劉寄奴 地骨皮 香  
附子 金銀花 車前子 天花粉 唐求子 何  
首烏 艾葉

木類

栝松 柏 杉 檀 桂 榆 楸 槐 樟  
榧 檇 桑 楓 櫟 楊 柳 檜 榲 柘  
桐 梧 梓 柏 椿 冬青 觀音柳

竹類

笙 雷 石 貓 慈 劬 斑 紫 苦 水  
棕 矮 鳳尾 方 篾筍 筍譜出處州竹可作椽  
筍則春生可食 案通

志物產  
補列

羽類

雞 鶩 鴨 雉 鳩 鵲 黃頭 鵝 雁 鴿  
鸚 鷓 鳧 鷓 鷓 鷓 鷓 鷓 鷓 鷓 鷓 鷓  
練雀 黃雀 畫眉 鴉 百勞 黃鸝 翡翠  
鵲 鵲 鵲 鵲 鵲 鵲 鵲 鵲 鵲 鵲 鵲 鵲

毛類

牛 馬 羊 犬 豕 驢 騾 虎 鹿 麋  
鹿 麋 兔 貓 狐 熊 豹 獺 狸 猴  
狼

鱗類

鯉 鰕 鯽 鮎 鮓 鰻 鱧 鮒 鮓 鮓 鮓 鮓 鮓 鮓

草白 鹹石斑 圓眼 海鯊 草木子鱗蟲皆

生產枯者最巨通志

介類

龜 鼈 蚌 螺 螭 蝦 蟹 穿山甲

貨類

絲 布 茶 紙 靛 木棉 燭 苧麻 腰機

桐油 菜油 麻油 蜜 黃蠟 白蠟 瀝青

橙糕 嘉靖通志處州橙糕搗橙以蜜和而為之通志

青田物產與麗水同外惟鱗有蓮心魚貨有葛紗有圖

書石 舊志 凍米 赤水木 鐵蕉 葉如鳳尾幹似龍

錘入之 鐵樹 色古葉如積雪 青果 枝粉 枝樹之實可作粉 木芙蓉

愈茂 小石門山木芙蓉 小竹 名勝志青田占陽山叢生 竹

高二丈生石巖上 青縣志其葉似竹可染碧此鶴太平寰宇記青田之鶴

此地所豐之草故名青田 即么鳳 竹紙 鐵砂 括蒼彙紀青田縣閣公方

縉雲物產與麗水同外惟果有柿有棗貨有葛麻桐油

茶 蘇粉 柏燭 舊志 棉苧 邑少蠶桑多種棉苧 金蓮 方輿

仙都山頂有 龍鬚草 仙都志產於 薪 管溪官山薪竹

湖生蓮花 通志

松陽物產與麗水同外惟貨多白蠟紙舊志翠柏枯蒼碧

桃白雲山石橋橫渡旁榛子括蒼象紀松陽鱖魚豆

墨魚名勝志松陽卯山二松石名勝志松陽卯山

葉通志

遂昌物產與麗水同外惟果有榛子木有杉毛有竹豚

貨有橙膏漆藥有毛慈菰舊志桐根松隆慶縣志馬鞍

根金鱗包萬有唐山記唐山翠峯菴有沼常石棋子

名勝志遂昌牛頭山唐葉法善嘗與道侶對弈於此

局終擲棋子於地化為石後人於其地每得一卷石

出土尚溫軟可擊取通志樟樹梨產西鄉覆螺圩

龍泉物產與麗水同外惟菜有胡荽花有紅梅干瓣李

木筆天竹鶴頂紅百合翠柏藥有冬葵子旋覆花松

脂乾漆連翹扶神烏藥薏苡仁牛蒡子千金子海金

沙澤蘭子水萍風藤木有白木黃楊相思木欖木栝

杉竹有甜竹江南竹佛指竹箭竹觀音竹猫竹毛有

山羊地豚玉面狸豹獺野猪鱗有石首魚案爾雅翼

名鱖魚博物志所謂鮫魷物產志所謂黃魚也又浙

江志謂之江魚首有骨如石故名石首生於江海龍

泉無此魚縣志作石鮓魚鮓魚鮓魚桃花魚跳魚介有鮫

鯉貨有香葦白筍舊志李舊縣志縣產李甚多有胭脂

麥李熟李真楊梅楊梅嶺下有泉一窪石榴榴有數

珠李琥珀李可沃楊梅旬日不壞

金榴銀榴飯榴山 山林檜 林檜別一種 銀杏 有二種

稍長大名鴨嘴杏 一種 蔗 有糖蔗 菱 狗頭菱 鬼面菱 四

角神蘭 石川巖壑秀麗 上有樟樹 闊數圍 樹上有石

燕 日則出洞 羣飛 好事者 網得之一 鋸為二 置醋盂

中能行 豔草 辟汗氣 可 墨草 煉之 可 紫草 大馬鞍 雞

巔草 觀音草 薜蘿 名勝 志龍 泉匡 山有 薜 苦魚

劉基苦齋記 章溢先生 隱居之室 在匡山 之巔 匡山

在龍泉縣 劍溪之水 出焉 注入 大谷 其中 多斑文小

魚狀如吹沙 味苦而 青螺 青翠 野蜂 苦齋 記匡山之

微辛食之 可以消酒 善苦故 植物之 中 性之苦者

從此來 大率不能 甘而 善苦 故 植物之 中 性之苦者

莫不布族 而生焉 野蜂 巢其間 采花 髓作 蜜味 亦苦

山中 方言 謂之 黃杜 初食 頗難 久則 花布 邑產 花 蓑

彌覺其 甘能 已積 熱除 煩渴 之疾 則 花布 邑產 花 蓑

器 章生 二不知 何時 人嘗 主琉 田 釜 八器 之出 於生

博十數 金其 兄名 章生 一所 主之 窰其 器皆 淺白 斷

文號 百級 碎亦 冠絕 當世 今人 家藏 者尤 為難 得

牡鞠苗 名勝 志龍 泉縣 匡山 松根 茯苓 花石 槎洲 之

石灘灘 中石子 有黑白 黃 紫青 赤等 色 並見 通志

慶元物產 與麗水 同外 惟木 有相思 木 羽有 鷓鴣 烏 鵬

鷓兒毛 有野猪 鎗猪 漢猪 竹鼯 恒鼠 山牛 山羊 九節

狸玉面 狸貨有 香葦 朱葦 青瓷 通志 載崇 貞府 志慶

佳可亞 於溫 雲和物產 與麗水 同外 惟花 有珍珠 蘭藥 有甜 葶 蕨 當

歸常山 百合竹 有箭竹 貨有 麻毛 有玉 面狸 鱗有 鮓

風土

魚舊志觀音粉崇貞府志雲和山中有白塘泥以水攪

飢名觀音粉而取之和糯米粉一半蒸食可以療

宣平物產與麗水同外惟菜有蕨菱白芥果有葶薺茨

菰鶯梨藥有茯神黃精青蒿葛根牡丹皮黃柏松脂

連翹土芎藭苡菌陳干菊木有棟樸毛有竹豚山羊

貨有蕨粉鐵紙舊志冬蘭隆慶縣志雙巖梨舊志產雙巖

漸希紫花芥芥即辣山墨墨山出山墨窰人取通志

景甯物產與麗水同外惟木有樸藥有白朮竹有盧棲

竹江南竹毛有玉面狸鱗有金魚跳魚舊志翼魚姜師

魚說景甯山溪間有翼魚四足飛立樹梢張口注水

鳥見水就飲魚漸閉口飲水之鳥伺其腐而吞之

通志

處州府志卷之二十四終

處州府知府元和潘紹治

詳異志

處州府志卷之二十四終

處州府志卷之二十五

處州府知府元和潘紹詒重修

祥異志 災賑附

莫莢屈軼植物之祥魚躍鳳鳴動物之祥蛇鬪鷓飛  
 石言星隕斯誠異矣舊志及各邑新舊志所載事不  
 經見者亦祇十數則休徵咎徵毋庸事後強附會也  
 史家五行志踵左氏浮夸詳於占驗直詞費耳若夫  
 旱澇為患天道之常疫厲時行人事之偶亦無足異  
 者在其位者謀其政修德以族之弗諉為數焉可也  
 志祥異

唐顯慶元年九月枯蒼暴風雨海溢麗水溺死七千餘

人見唐書五行志及麗志

總章二年六月枯州大風雨海溢唐書五行志青

溢水至縣治漂官民廬舍溺死人口無算案總章為高宗年號青田析於睿宗景雲二年維時尙未立縣安得有治當是水至今縣治地耳

神功元年三月枯州水壞民居同上麗七百餘家麗志

開成三年處州平地水八尺有餘同上麗

宋至道二年處州稻再熟宋史

咸平六年八月旱禾再稔郡守楊億上表稱賀麗志

明道二年麗水縣洪水壞民田麗志

熙寧八年八月兩浙旱宋史五行志麗水大水入城高至

天慶觀楮

元豐二年麗水縣白秋至三年春不雨

建中靖國元年遂昌壽光宮殿西柱生靈芝九莖連

葉色如粟遂志

宣和三年火官民廬舍盡 六年七月麗水大水高

六丈餘十年松陽潦

建炎三年巳酉冬十一月龍泉縣芝產前太常少卿

季陵居屋

紹興十三年八月青田縣大水溺死三十餘人十四

年八月麗水水高八丈溺死三千餘人十六年大

水如前同十七年丁卯夏六月龍泉主簿韓元

吉廳南池產並蒂蓮十本十九年麗水夏蝗

二十三年癸酉夏麗水縣懿德鄉梁氏所居小溪

忽中流湧起若柱高二丈餘是年梁安世鄉舉甲

戌登第至咸淳癸酉復然梁泰來鄉舉甲戌登第

案明景泰三年析麗水宣慈應和懿德三鄉置宣平縣前事載宣平縣志

乾道元年八月青田海溢水至縣治溺死者衆九月

旱俱見邑志

慶元五年六月浙東霖雨至八月

開禧元年夏浙東西不雨百餘日

嘉定八年八月浙郡皆旱九年五月大水紹興府

嚴衢婺台處等州漂田廬害稼浙東蝗俱宋史五行志

十六年遂昌有蓮一本雙花秋粟有一本十八莖

莖八九十穗者遂志

紹興元年戊子秋七月郡守高疎寮行部龍泉民獻

竝蒂蓮實二花四龍邑志

嘉熙十三年七月辛丑嚴衢婺台處等州大水冒城

郭溺人續文獻通考案丁酉改元嘉熙祇四年即改元淳祐是嘉熙無十三年淳祐祇十

二年亦無十三年或係三年誤作十三年



淳祐元年辛丑龍泉縣昂山崩聲聞數十里 三年

乙卯四年丙辰五年丁巳虎食傷人一千六百有

龍志 案元年辛丑則三年當 奇 癸卯四年當甲辰五年當乙巳

寶祐五年麗水大旱松陽旱

咸淳十年松陽旱

元至元十六年六月麗水旱麗志 十九年麗水縣樟樹

生梨可食續文獻通考

元貞二年麗水雨黑米可食

大德九年六月大水麗志 六月青田水青志 九年六

月二十八日縉雲縣水壞民舍續文獻通考

至大二年麗水蝗

延祐元年螟傷禾松陽田禾漂

泰定二年麗水螟傷禾 松陽水旱

至元六年六月庚戌松陽龍泉二縣積雨水漲入城

深丈餘遂昌縣尤甚水三丈餘桃源鄉山摧壓民

居五十三家元史天文志

至正七年麗水火 九年冬十一月龍泉見天裂河

漢旁 十年麗水螟冬大雷雨草木皆華雨黑黍

中白如粉是年松陽旱俱邑志 十一年冬十一月

龍泉雷電雨雪十二月雨黑黍龍志 十三年縉雲

火廬舍皆焚續志是年龍泉旱冬十二月大雨雪

十四年龍泉大饑冬十二月雷是年民有雞左雄

右雌能啼伏 十五年春三月十五日龍泉大霧

咫尺不辨人物夏六月二十日青田賊陷縣治龍俱志

十六年婺州處州大旱 麗水螟斗米千錢

道殣相望 松陽是年螟元史五十七年縉雲

大旱 十八年縉雲火廬舍皆盡是年龍泉縣池

產並蒂蓮七本俱邑志十八年處州山谷中小草

結實如小麥民採食之元史五行志青田山竹生米可

食遂昌縣晝聞大聲自天而下沙洲石自行俱草木子

明洪武三年麗水大旱 七年螟 九年松陽旱 十

年正月丁酉金華處州雨黑水如墨汁池水皆黑

續文獻通考正月十八日丁酉夜龍泉雨黑水如墨汁

俱見天邑志十一年遂昌有大聲如鐘自天而下續文獻通考

十二年五月戊子青田縣淫雨山水大發沒

縣治壞民居 十七年龍泉水壞民居

永樂七年七月甲申麗水縣霖雨山水驟湧壞田廬

漂人畜 十四年秋七月慶元大水 十七年青

田鶴大集青田號鶴城以鶴為瑞是秋中式十六

人自後鶴至必得科名 十八年麗水大水青田

水

正統五年麗水大水 十年松陽大熟 十三年松

陽二十都橫山民居出血里許厚一尺雞犬不食

十四年五月縉雲隕霜是年宣慈鄉陳鑑胡作

亂焚掠鄉邑官民廬舍殆盡

景泰七年麗水大旱 縉雲同

天順二年三月雷火焚縉雲仙都獨峯頂七日不息

遙見一人著縞衣徘徊其上久之凌空而去俱見各邑

志 四年杭州嘉興湖州甯波紹興金華處州四

五月陰雨連綿河泛溢麥禾俱傷明實錄

成化元年七月浙江各府州縣久雨稻苗腐爛歲饑

明實錄 三年夏六月慶元地震秋八月大雨雹

八年八月二十三日龍泉火焚燒二十餘家及濟

川橋 九年麗水大水 松陽旱 十三年大水

宣平不雨米價騰踊 縉雲秋大旱 十五年

松陽大水壞田地 十八年宣平不雨 十九年

七月麗水木生黑蟲 青田水 宣平大水壞民

居三百餘家溺死百餘人牛畜以千計 景甯六

月十九日大水壞田廬無算民多溺死 雲和六

月大水日午雨如瀉夜分溪水高二丈溪民廬舍

漂沒是年縉雲大雪夜深五丈餘 二十年春宣

平旱民間修堤堰墾荒蕪工甫畢五月積雨水溢

災如上年 二十二年宣平大旱 俱見各邑志

宏治元年二月十六日景甯縣北屏風山有白馬成

羣從牛首山迤邐騰空而去 續文獻通考 四年縉雲

旱 五年宣平旱 六年龍泉昂山崩 八年龍

泉良溪練端家伏雞皆雄質雌文連數窠家亦無

異 十三年正月縉雲雨雹大如雞子屋瓦皆碎

十八年八月縉雲地震

正德三年麗水大旱 宣平同 龍泉冬無禾 縉

雲大旱五月至十月不雨饑死甚衆 五年縉雲

旱 麗水是年大水平地高五丈 七年宣平旱

八年七月二十二日龍泉火自縣前延燒總鋪

譙樓按察司濟川橋及民居二千家九月二十六

日崇因寺火燬銅鐘五千觔融液殆盡 十年縉

雲大雹三月十六日四月初一日凡二次 是年

松陽旱 十一年松陽地震雪積丈餘 十三年

麗水火 景甯是年六月大水漂沒田廬溺死甚

衆

嘉靖九年龍泉二月至四月不雨溪井皆涸五月大

水十五日大雨至十九日止平地水高一丈五尺傷人畜無算留槎洲漂蕩俱盡 四年麗水大水

松陽同 元年至四年禾皆白漂斗米百錢

五年青田水 松陽大旱 縉雲大旱 六年麗

水大旱是年松陽麥大稔 景甯六年大稔民老

弱者閤門殆盡強壯者出為盜 七年麗水大水

八年八月縉雲大水漂沒田廬溺死甚眾 松

陽蚤出 宣平八月大水 遂昌大水二蛟並出

壞橋堰居民溺者甚眾 九年夏六月慶元大霜

殺禾 宣平是年八月大水 十年麗水大水

十一年七月二十八日麗水大雨溪水暴漲十餘

丈漂流數百家 青田同 十四年正月朔松陽

大雪五日 十五年十二月大雷電 十六年松

陽二十都十八都山裂二十餘里冬地震如雷

十八年七月宣平大水 十九年麗水蝗 縉雲

蝗六月火焚民居數百家 二十年麗水火自三

坊口至府前譙樓是年多火患 二十一年麗水

大旱 二十三年縉雲火 二十二三四等年宣

平連旱 邑志 二十六年縉雲火焚民居數百家

二十七年縉雲大水舟至縣門滄沒民居大半

二十八年縉雲大水漂蕩田禾廬舍 宣平火自  
 縣前坊起至太平坊 二十九年麗水大旱 松  
 陽旱 三十年麗水大水 松陽潦 慶元白馬  
 精見精自政和來氣如硫黃中者即昏婦人尤甚  
 闔邑驚惶達旦後迎五顯神驅之旬日乃滅 三  
 十一年四月松陽雷擊死牛五背有字莫辨次年  
 是日又如之 三十四年正月縉雲大雪積十四  
 日深丈餘 麗水大水 宣平臘月雪積丈許烟  
 火幾絕次年二月方消盡後連年大稔乃知為瑞  
 二十八年麗水火起縣前延及府治 四十二

年青田大水蜃出十一十二都大雨山裂水漲衝  
 壞田地三十三頃四十餘畝溺死男女三百二十  
 三口漂沒房屋七百五十二所 四十四年冬松  
 陽雷震大雨雪又下黃土  
 隆慶二年麗水大水 三年秋麗水大水是年七月  
 青田大水傷田地五頃餘 縉雲七月大水滄沒  
 廬舍 六年六月七月青田大水壞田地四頃有  
 奇  
 萬曆元年麗水旱禾盡槁 二年麗水大水 六月  
 青田大雨溪水暴漲衝壞田廬 是年慶元地大

震官舍民居傾頽 三年冬十月慶元八都雄雞

變雌 五年九月縉雲彗星見西南方犯斗度至

十二月乃滅 十六年麗水大旱疫 是年四月

朔慶元大水衝壞北城七十三丈民居漂没人多

溺死 十七年縉雲大水 十八年遂昌知縣萬

邦獻重建文廟得巨材為梁斲之龍翔鳳翥脉若

天成 十九年宣平大火三坊延燒幾盡以上俱見邑志

丙申年郡學生連理木郡守任可容立石志之今

石尚存見梅籜隨筆案丙申為萬曆二十三年 二十四年十月麗

水大雪至次年正月不止 二十五年松陽池塘

水漲蕩漾有聲 二十七年七月縉雲大水 二

十九年三月夜松陽大風雨羅木崗文昌閣仆是

年七月縉雲大風一晝夜 三十一年六月松陽

大風松樹墩石亭仆壓死四人是年十二月麗水

大火府譙樓災焚民居數百家 三十二年麗水

地震是年十一月松陽地震案金華府志是年十一月初九夜八縣震

當是同時 三十三年松陽旱 三十四年府學郡署

產紫芝皆重蓋、松陽是年旱 三十五年三十

六年松陽復旱 雲和大水溪高數丈縣前街陷

二里許壞民屋五百餘間三都壟鋪山崩壞田廬

傷男婦四十餘人 三十七年八月青田洪水暴

溢二十餘丈舟行城內救溺漂蕩民居殆盡 麗

水是年大水漂沒田廬 松陽是年旱 三十九

年七月縉雲大水

天啟二年麗水火府前民居延燒殆盡 五年七月

二日夜遂昌有大星自西流東尾長二十餘丈光

芒如月有聲如雷自是每夜流星如織 七年五

月縉雲大水田地災傷

崇貞元年春三月麗水隕霜殺麥 縉雲三月大霜

三年四月縉雲大霜四年八月又大霜 五年

二月麗水火七月無雨火災四起蘆灣青林尤甚

知府朱葵捐賑有差是年冬遂昌天雨粟形如黑

黍惟西鄉近三衢有之 六年七月六日午時遂

昌五色祥雲見西北方 七年麗水大水田廬漂

沒 八月縉雲大水較天啟七年災更甚 八年

五月麗水大水入城淹官署民房幾盡應星橋城

壞死者七人水退沿溪積屍無算知府朱葵按戶

賑恤九月二十五日戌時地震 九年七月青田

天鼓鳴山溢洪水壞民居方高山湧出二物形如

牛 宣平大火如萬歷十九年是年春荒夏旱三



月不雨是年遂昌儒學教諭廳前地產紫芝一  
 十年麗水大饑民食蕨根蒸白塘泥食之名曰觀  
 音粉 青田同 十六年三月清明午刻雲和縣  
 門鼓樓自火 十七年縉雲大水民居漂没二月  
 初七日雲和某寺金剛動巳時起未時止僧驚眩  
 國朝順治四年四月縉雲大雨雹大者如盃屋瓦盡壞  
 菜果禾麥俱盡次日大風雨凌霄塔院頂龍毀又  
 壞石牌坊一座 遂昌是年西鄉民生子眼圓而  
 多白口濶有牙而撩遍體青黑大倍凡兒民懼為  
 怪溺之 五年七月十七日雲和大雨三晝夜不

止三都東坑下嶺淹死畚民四人 慶元九月天  
 晝晦冬十二月羣虎食人 六年遂昌西鄉民生  
 子三歲死埋園中雷擊而蘇取歸養之有隙者危  
 之日此雷震子不聞於官當有罪民懼斃之俱見  
 邑志  
 十四年處州濼城外壽元山蜃出通志 十七年  
 庚子夏五月慶元颶風發北壇樹木盡拔 十八  
 年夏五月慶元大水冬十一月虎食人署縣事同  
 知田嘉修禳之去

康熙三年宣平五虎盤踞槁嶺傷人甚眾五年縣及  
 尉率鄉民持械鳴金盡伐茂林虎入郡城為害本

府同知沈協鎮申集民兵掩捕盡斃之是年大旱

俱邑志 四年麗水縣水通志 五年松陽旱 慶元

是年地震 七年六月十七日戌時景甯地大震

九年松陽旱 宣平是年冬大雪積六尺許

景甯十二月大雪自初三至十四始霽平地五六

尺高山幾盈丈 慶元是年羣虎食人知縣程維

伊禱於城隍神虎遁跡 十年麗水縣旱蝗 青

田青蟲食苗 十一年三月縉雲火發城中延燒

縣治恍有鰲面人從空中放火衙丁捕之不見

松陽十二月大雪積五尺餘 十二年某日日將

西景甯有蟲起自鴉峯蔽天而飛六七陣斷續相

繼向南而去是年春雞毛管内生蟲比戶皆然人

不敢食 十三年縉雲遭閩亂至十六年連受兵

荒 十四年麗水縣疫 青田八月大雨七月水

湧山崩壞田廬壓溺死者無數是時邑陷於閩寇

十六年春景甯每日午後有虎嘯於天馬山薄

暮行鳴市中漸二三為羣白晝踞坐石印山時從

屋側攫取豚犬半歲乃去 十七年縉雲大旱禾

傷 十八年蝗 十九二十兩年復旱 俱見各邑志

通志康熙二十年處州自三月大雨至於五月秋

大旱至冬不雨五月十二日宣平志宣平縣大菜

山陷成一龍窟長一里許廣四五丈汪洋澄澈深

不可測魚鼈出沒於松杉間歷歷可數雖久旱不

涸 青田二十年春天雨豆或赤或黃如綠豆大

堅不可食種之不生自是連歲豐稔 麗水是年

雨豆色黃赤堅不可食種之亦不生 雲和亦雨

豆 松陽旱 通志康熙二十一年五月處州元

妙觀前井鳴自辰至午 通志康熙二十五年閏

四月處州大雨水高於城丈餘 麗水志四月大

雨四晝夜漂沒田廬溺者無算 雲和志同 青

田志康熙丙寅閏四月二十六日洪水橫溢高故

岸二十餘丈排山拔木城邑為墟凡學宮縣治祠

廟民舍悉漂入海上流男女樓居者連屋浮下尙

攀屋號呼燈熒熒未滅隨奔濤遊沒無論橋梁道

路田畝盪毀殆盡卽山川谿谷崩徙易面不可復

識戶口隕溺流亡尤難勝紀蔬穀雞犬不遺種

宣平志閏四月二十一夜雨至二十六日不絕漂

沒田廬無算濱溪居民搬移不及有被溺者是年

題蠲十分之三 松陽縣志二十五年閏四月大

雨四晝夜赤塔埠房屋漂沒南門水滿七尺舟行

城市傍河廬舍俱漂淹斃人口壞四鄉田地三十餘頃石堰橋梁俱壞 景甯志閏四月大雨三晝夜洪水陡至蛟蜃徧發衝決田廬無算 麗水志五月虎入城 慶元志夏四月朔大水衝塌城西數十丈 二十六年六月十三日雨雪 宣平是秋旱 二十七年秋宣平旱 二十八年麗水自夏至冬不雨井泉皆竭火災四起冬十月電虹見十二月又火 松陽旱 宣平自六月至十月無滴雨井泉皆涸是年正月

南巡

恩免通省地丁

二十八日大晴將午景甯烏鐵巖下忽橫裂大水湧出頃之黑雲滂然而合大雨如注上橋以南屋皆水溢數尺男婦驚避至晚始定至今裂痕長數十丈 二十八年正月雲和建學宮越十餘年枯柏萌芽枝葉重翠七月十五日午時火延燒民居百餘間 二十九年三月十六日戌時景甯地震 三十二年四月宣平雨黃泥沾草木葉不脫 是歲景甯大有年禾穗雙歧 三十三年春景甯山中羣虎搏人未而歲傷五十餘人無敢樵採者邑宰朱軫裔設醮元壇廟禳之

越數日有弩人至自閩射獲七虎其一徙去十餘  
年無虎跡 三十四年冬慶元地震 三十六年  
松陽旱 三十八年景甯油田居民王國厚家牛  
產一犢有兩首 四十二年六月十六日午後景  
甯天有聲如炮聲聞數百里 四十三年縉雲秋  
禾災 景甯是年八月竹筍大生所在皆然未採  
折者成竹 四十五年二月十三日午後景甯有  
蟲蔽天而飛斷續數陣過鴉峯亦向南去 四十  
六年八月十五日景甯大水 四十七年三月晦  
穀雨節辰時天有聲下如炮震山雉咸驚起或云

天鼓鳴 四十八年四月初七日遂昌雨天花有  
形無跡是年壽光宮火 慶元是年夏五月大水  
四十九年麗水大風雨雹 景甯是年十一月  
二十一日天甫曙雷鳴虹見 五十年九月十一  
日亥時地震 五十二年冬十一月宣平大火縣  
西街沿燒至太平坊 五十九年夏五月慶元大  
水

雍正二年九月松陽南門善官鋪火北至上太平鋪  
東至橫街塔頭鋪大街居屋俱燬 慶元是年夏  
五月大水 六年景甯二都油田普福寺池內生

嘉禾一本高七尺分二十三穗庭碩堅好色潤如  
金邑合陳獻於郡 七年遂昌泮池產並蒂蓮二  
十年松陽饑蝨食禾 景甯夏秋間蝗傷稼  
慶元夏六月禾生黑蠅 十一年六月二十七八  
景甯連日雨東鄉山水暴漲縣治深數尺橋梁道  
路衝塌甚多 十二年雲和虎入縣署二次 十  
三年六月縉雲山水衝發田禾被淹 遂昌是年  
明倫堂階下產紫芝 雲和大饑  
乾隆元年七月慶元大水 三年七月大旱青蟲食  
苗 七年慶元虎食人知縣鄒儒命射戶捕殺患

始息 九年八月初二日宣平大水通濟橋毀  
十年宣平虎患橫甚傷人至三四十鄉設虎圈虎  
有死者患始息 十三年四月慶元大水 十四  
年景甯一都渤海坑吳起才家梅實遍樹並蒂者  
三年 十五年宣平旱 景甯七月甚雨大溪水  
漲四五丈一異物黑且角鼓浪如傾瀨水地多衝  
陷隔日亦落兩岸草木皆萎 十六年七月景甯  
一都包岸陳大翼家豬產一象婦人駭其狀異擊  
殺之 十九年四月慶元地震 二十年宣平旱  
二十一年夏四月慶元大水 二十二年六月

景甯有白蟲無數亦自鴉峯向南去 二十四年  
宣平大水 二十五年五月慶元大水 二十六  
年五月大雨十三都高亭出蛟壞田廬 景甯八  
月大水壞田無算 慶元十一月羣虎食人署典  
史陳子佳募強弩射之獲虎三 二十七年宣平  
旱 二十八年十二月初五夜雲和坊一街前火  
延燒民居五十餘間 二十九年宣平大水 景  
甯是年三月山竹作花而實遂枯至春復發 慶  
元二月大冰雹 三十年七月十九日戌時景甯  
地大震屋壁震響几案擺簸樓閣房舍仄而復整

梁柱錯折有聲頃之始定鄰邑皆然 三十二年  
宣平大水 慶元五月大水西隅民屋沉溺 三  
十三年八月景甯大雨水田畝有衝塌者 三十  
四年景甯虎入防弁署並田洋等處傷人 三十  
五年正月丁酉慶元彗星見戊戌火延燒治前數  
十餘家狀元尚書兩坊並燬三月大水 三十七  
年宣平旱 景甯六月大水田畝有衝塌是年二  
月鴉峯復有蟲起紛飛斷續一隅爲暗自午後至  
暮乃止亦向南去遙望蟲大可駢三指 三十八  
年宣平大旱 慶元五月大水白馬山崩 三十

慶州府志 卷之二十三  
八年七月景甯大雨水近溪禾稼有傷 三十九  
年景甯西南鄉禾穗兩歧 雲和六月大雨二晝  
夜不止一二五九都民廬漂沒無算七八都山崩  
壓傷四人 慶元是冬雄雞自斷其尾 四十年  
景甯鮑山頭民家米鳴滿壘跳擲窻窳作聲 四  
十一年十二月初五日景甯大雪平地積尺許花  
盡六出十七日又雪大相等十餘年所未見 雲  
和三都五樹莊山裂數百丈 四十二年宣平旱  
景甯大有年 四十三年戊戌景甯大有年  
四十四年宣平旱是年十二月青田城中大火

四十五年三月慶元大水十一月大水 四十六  
年宣平大旱 四十八年五月十八日宣平大水  
漂沒田地甚多 景甯是年蝗入境水災民大饑  
慶元是年七月戊戌彗星見庚子火延燒治前  
百餘家 五十年宣平大旱 遂昌是年十九都  
宏岡民家豬生三象越數日俱廢嗣後連年豐稔  
雲和是年四都烏杜坑虎傷七人 五十二年  
宣平霜早隕蕪苳蕎麥豆俱無收 五十三年四  
月慶元大水金溪水溢西入城轉北城衝出壞城  
九十餘丈淹塌西北隅民居溺死者數人 五十



五年十二月二十五日宣平陰氣凝結若霧若露者三日著樹皆凍竹木多被折損殆漢志所云木介者也 六十年四月慶元蓋竹山崩坍沒普化寺於隔溪山下死者四人

嘉慶元年正月麗水大寒殺麥八月初一日大風折木壞廬舍 緡雲正月初旬雨木冰樹折麥苗黃腐越數日和煦草木榮麥大熟 遂昌是年八月十九都案下農家牛產麟鱗甲遍體甲縫中生茸毛赭黃色口目紅似丹砂甚鮮明口扁濶目長如鳳眼形狀與典籍所載麕身牛尾馬蹄者無少異

農不知爲麟也刀刮其鱗血出而斃是歲大稔 二年十二月十八日雲和城隍神忽汗出境外雨雹屋瓦皆碎雲獨無恙 四年慶元縣羣虎食人 五年四月麗緡宣遂松五邑災五月宣平疫痢死者衆六月二十三日麗水大雨舟行城上越二日水退積屍無算壞田地五十五頃有奇緡雲遂昌同日水 遂昌於二十五日戌刻雷電出蛟水過屋脊臨河居民盡漂沒二十七日又發水前後淹沒人口數千經大憲奏請分別蠲免有差 宣平於二十六日漂沒田廬溺死男女無算邑令朱

蓮詳請除荒田三頃四十八畝零 六年夏四月  
麗水雪 慶元羣虎復食人 縉雲七月十五日  
大水 七年宣平旱 八年夏麗水旱五月朔不  
雨至六月望始雨 宣平旱 九年宣平復旱  
十二年七月十二縉雲大雨雹二十八都間沒  
黍禾以其巢臚堂靜岳穀落禽饗 宣平是年旱  
雲和五月初六夜縣署火 慶元六月大冰雹  
冬十月天鼓鳴 十三年四月二十三日雲和八  
都民家有邪魅形如猴知縣陳治策禱於城隍怪  
絕 慶元是年五月大水七月復大水城內西北

水深丈餘九月地震 十四年三月宣平大風雹  
十五年十月十五日縉雲地震 十六年麗水  
自夏五月至秋七月不雨民食麻蕨及白土穀石  
值三千 縉雲大旱 景甯大旱 雲和夏旱  
十七年春二月二十三日麗水大風拔木雹殺麥  
壞屋佛頭巖塔尖飄墜隔岸六月十三日大水成  
災 十九年十一月慶元彗星見 二十年九月  
二十一日夜二更宣平地地震 二十一年九月麗  
水大旱災 二十四年閏四月二十四日青田城  
中火延燒幾二百家 縉雲於九月地震 慶元

是年虎入城 二十五年三月初五日縉雲大雨  
雹臚堂靜岳間麥畦爲平夏秋大旱 麗水大旱  
秋七月二十五日大水壞東城七丈 松陽縣東  
北鄉出蛟水入城東衝壞廬舍 宣平五月旱起  
至七月十一日霖雨連朝遂大水濱溪田多漂沒  
是秋百卉萌芽百花放蕊市賣新茶園長嫩筍牡  
丹亦開半苞

道光元年縉雲大有年 龍泉自夏至後歷四月不  
雨成災 宣平旱蟲 慶元羣虎食人 二年雲  
和坊一西城坊火十二月大雪明年春正月乃霽

慶元縣是年羣虎復聚知縣樂韶疏告城隍虎  
遂遁 五年正月縉雲大雪平地深四五尺 七  
年宣平大雹樹拆瓦碎麥災 景甯八月初一日  
大雨水溢 十年八月宣平樊嶺吳宅俞源未刻  
微雨申酉戌三時大雨如注濱溪隄岸房屋盡漂  
沒亥刻晴明見月 縉雲是年小旱 十二年秋  
九月十五日麗水雪十二月二十四日夜雷電大  
雪山中積丈餘鳥獸多死明年春二月乃霽是年  
八月青田大水 景甯十二月二十八日大雪旬  
日始霽 十四年宣平大疫有合家死者古廟及

路亭死者尤多東衢安鳳爲甚 縉雲是年春大疫死者萬餘人六月二十八日大水平地如潮羣山屨多不勝數漂蕩田禾廬舍二十六都下魯莊外有石矗立大近百圍高約十丈名飯甑巖下有祈雨殿山旣裂巖與殿移底均處立原位陷穴廣數畝殿前田千餘皆併疊陵谷變遷古所希聞十五年麗水大旱災 縉雲大旱自五月至八月不雨 景甯旱 十六年十二月十九夜雲和七都高沈莊火燒民居八十餘間 十七年六月遂昌治北五里葉町寺池中巨鯉吐沫如霧時無雲

翳霹靂忽震鯉向東北衝壁而逝 二十二年冬十月初三日麗水火自耐心橋至三坊口焚民居一百四十七家 縉雲箬竹生花紫色結實如麥可食其竹盡枯 二十三年七月十二夜麗水大雨山水暴發二十二都二十三都田廬漂沒 雲和是年夏雨雹大如斗小如拳植物屋瓦俱損傷人畜甚衆 二十四年松陽連旬大雨水溢城鄉十五六都衝田廬無數 麗水冬十二月二十四夜雷電雨雹大雪 二十五年松陽旱 縉雲冬大寒樟桤枯死逾一年始生萌蘖 二十六年四

月青田芝溪大雨雹無麥六月旱七月大水 緡  
雲大旱 松陽城南善觀鋪火上至桶蓋亭西至  
官塘口及市勘頭亭下市屋俱燬 雲和夏旱七  
月十四日大水七都右管瀕溪田廬漂沒是年各  
處箬竹生米可食 二十七年麗水旱 二十八  
年七月十九日景甯雨三晝夜大水成災瀕溪漂  
沒田廬無算 緡雲是年七月十八大風拔木偃  
禾十一月初十辰時地震 二十九年麗水大疫  
三十年六月青田大水 緡雲於六月朔有物  
墜東南方大數圍色白有聲如雷至地不見

咸豐元年春緡雲地震秋又震 二年九月初十夜  
雲和有星大如斗自西墜東光如電閃聲如雷須  
臾止 景甯是年九月初十日酉刻有星光如電  
自南隕西聲若雷震者六七或云天鼓鳴 三年  
麗水大水 青田六月大雨十晝夜山崩水湧漂  
沒田廬無算 雲和三月十六辰時地震是年七  
都長汀莊山裂二百餘丈 景甯六月二十六日  
大雨十晝夜夜半五都竹埠村後山崩壓斃七十  
三人七月地震 四年麗水旱 緡雲東鄉二十  
五六都塘水沸騰高尺餘踰時方止 松陽大水

雲和是年七月三都壟鋪莊山崩壞田數十畝  
八月八都周坑莊山崩壓死男婦三十七人  
五年七月麗水大水 松陽是年地震 雲和是年  
七月初十日大水成災各處山崩田廬漂沒者不  
可勝算一都大倉莊溺死二十餘人三都花岱嶺  
莊溺死六人 景甯於七月初十日大雨如注山  
水暴漲六都黃壇坑東岸際頭洋等村田屋俱壞  
黃壇坑村淹死三人 六年六月初一日麗水厦  
河樟樹大十餘圍自焚初六日南明門外水南樟  
樹大亦十餘圍無故自倒聲震山谷 松陽九月

大雷雨三都陽家堂談竹等莊山俱崩裂數十餘  
丈 七年八月麗水地震是年七月縉雲大水平  
地深二丈許壞繼義橋廬舍堰壩盡圯 八年九  
月麗水大疫 龍泉正月望後羣鴉飛鳴晝夜不  
已二十一日粵賊竄浦城邑民間警出避鴉亦寂  
然四五兩月白晝羣鼠銜尾疾走大路旁亦見之  
景甯是年比戶雞翼斷毛如剪八月二十九日  
有星芒甚長直指西北 九年三月麗水地震是  
年遂昌妙高書院望遠亭側產紫芝 景甯是年  
正月十五日四都庫頭渡船夜鳴四月初二日午

後大風陡起昏暗數刻秋大旱 十年五月麗水  
火 景甯是年秋某日午後見日光如血窗壁皆  
紅十二月十七日梧桐等處大水 十一年二月  
二十四日景甯於晡時日下見船形三隻中有人  
自東而西日光皆赤是夜月色亦然五月二十八  
夜有大星光芒直射東南六月望後始沒七月二  
十七日大水三都木耳口四都秋廬爐西五都天  
際東暉箬要楓林等處漂壞民田甚多自前七八  
年來有獸如犬狀屢入城市並各鄉攫噬牲畜無  
算人以爲海狗云

同治元年七月景甯大水 麗水八月大疫 三年  
三月十九日景甯天雨豆色斑無眼堅不可食種  
之不生四都張村各處皆有之是年一都渤海陳  
某家中米鳴 四年三月青田大雨雹無麥 松  
陽於正月大雪積三尺餘 景甯於正月十五日  
大雪十餘日平地數尺深山幽谷至三月始消  
五年九月十四日青田地震是年六月縉雲地震  
景甯五都大滌民家一瓜蔓尾忽結實百餘未  
幾被疫八月十三日地震聲如雷屋宇傾側是年  
季冬雷數鳴梨樹花 七年七月二十五日景甯

夜雨滂沱二都北岸白岸石埠坑等處大水傾沒

田疇無算嵐頭至沈莊橋路盡塌 八年十一月

麗水火自耐心橋至四牌樓下焚民屋一百餘家

九年十月遂昌雨穀外黑內紅西北鄉較甚妙

高書院聽泉亭畔復生紫芝一莖是年五月景甯

桂花齊開 十年二月麗水大風壞牆壓死三人

青田二月大雨雹 景甯一都石柱民家牝雞

化為雄 十一年三月遂昌西南鄉雨豆狀如櫓

豆 景甯三月初一初三日大風拔木雨雹大如

盥有至飭許者一都至青田尤甚 十二年松陽

麥大稔 六月麗水大雨雹傷稼 十三年四月

麗水大風折屋壓死數人 青田三月兩豆 緝

雲沈宅孔氏宅雨鐵又雨錫拾視無異 俱見各邑志

十三年七月十二夜宣平北門外數十里洪水泛

濫均莊距城十里是夜雷電風雨山崩地裂水高

丈餘居民奔避樓檐牆垣倒壞梁柱震撼哭聲水

聲相雜水退查詢湮沒男女二十餘人衝塌民屋

八十餘處傳為蛟陣 採訪冊

光緒二年閏五月五日遂昌氣候如深秋人皆重棉

細雨竟日西南鄉高岡雨雪山民初疑為雹見樹



抄皆積始知之是年歉收 青田四月雨豆六月

十二日大水 宣平大水 三年五月宣平大水

災賑附

宋大中祥符九年麗水大水朝廷遣使發廩賑貸麗志

乾道九年婺處台温州久旱無麥苗宋史五行志

淳熙元年浙東饑台處為甚 七年浙郡縣皆饑

紹興五年浙東西郡縣自去冬不雨至於夏浙東西

皆饑

嘉定十六年浙郡國皆無麥禾同上

嘉熙四年麗水大旱 松陽旱 縉雲大饑俱邑志

淳祐十二年六月處州水遣使振恤存問除今年山

租宋史本志

明正統十三年浙東俱亢旱無收縉雲大饑明實錄

景泰元年六月免處州戶口鹽鈔三年四月免處州

無徵稅糧同上

成化二十一年青田民艱食竹生米宣平秋夏之交

鄉民艱食四山箬竹生米採可療饑邑志

正德四年春夏龍泉大饑民采樹皮舂磨作餅食之

多斃邑志

嘉靖十二年正月以旱免杭紹溫處四府田糧有差

十八年閏七月以水免杭嚴紹金衢處等府稅糧  
有差明實錄二十四年青田大饑麗水大饑死者

甚衆縉雲大旱無麥饑斃甚衆各邑志

隆慶二年十月以金衢嚴處四府旱停免稅糧有差

明實錄

三年以水災免麗水青田縉雲松陽遂昌

龍泉雲和等縣存留錢糧續文獻通考

萬曆三年麗水旱斗米千錢慶元大饑五月民間絕

粒野多餓殍知縣沈維龍發倉賑之民困始甦各邑志

天啟三年四月麗水大水無麥邑志

國朝順治七年六月遂昌縣水青田縣饑斗米六錢通志

青田是年夏秋無麥禾民多流亡景甯七八兩年

大饑石米價六兩道確相望邑志八年麗水遂昌

二縣饑民掘山粉為食穀價每觔二分五釐十

二年慶元大饑多餓殍知縣石聲垣先賑粥五日

民間樂施者日煮粥於塔院邑志

康熙十年宣平大旱大府題請蠲賑慶元夏五月大

旱青蟲食苗知縣程維伊詳請蠲免邑志二十八

年戶部覆准宣平縣上年旱蝗被災田畝按分數

免本年正額錢糧通志三十二年雲和大水成災

知府劉廷璣捐賑邑志 三十六年宣平大雪禾斃

苾俱敗署縣事郡佐宋廷詳題蠲地丁一千六百

兩賑米八百石邑志 案通志三十七年戶部覆

一千六十六兩零照例蠲案通志 上年被災田畝應徵銀

免邑志 作六百兩係誤 是年慶元饑 三十九

年正月戶部覆准浙省嵯諸暨青田三縣上年被

災田畝應免錢糧六千四百八十三兩六錢零通志

田案三十八年青 四十一年縉雲秋禾被災十

二月戶部覆准縉雲縣被災田畝應免銀一千九

百二兩四錢零照例蠲免仍查明真正災民動支

穀石賑濟通志 四十二年宣平大旱米騰貴縣

令韓宗綱詳題蠲地丁銀一千六百兩賑穀二千

餘石 四十三年正月戶部覆准諸暨嵯淳安縉

雲宣平五縣上年被災田畝應免銀二萬四千六

百八十九兩二錢零照例蠲免仍動支存倉穀石

賑濟通志 五十三年麗水大水宣平大旱署縣令

戴世祿縣令張廷祐詳請蠲賑是年十一月戶部

彙報秋旱覆准麗水縉雲松陽等縣被災田畝應

免銀兩照例蠲免仍合查明災民動常平倉米穀

賑濟邑志 五十四年松陽大旱蠲賑邑志 五

十八年縉雲旱十月戶部彙報亢旱覆准縉雲縣

被災田畝應免銀照例蠲免邑志通志 六十年宣

平大旱縣令于樹範詳請賑濟并設法施粥 六

十一年松陽大旱賑濟

雍正元年松陽大旱賑濟宣平大旱縣令于樹範請

賑施粥與六十年同俱邑志

乾隆元年縉雲大水詳請豁除衝壓田地應徵銀兩

十二年松陽大旱賑濟 十五年雲和饑每石米

銀四兩 十六年縉雲饑松陽大旱賑濟宣平大

旱縣令陳加儒詳請蠲免錢糧一百四十九兩一

錢三分米一十六石五斗八升賑濟銀一千三百

餘兩米八百五十餘石接運台穀漕米五千石

十九年慶元大饑 四十九年景甯饑慶元大饑

五月大水西隅民屋沉溺

嘉慶五年麗縉松遂宣五縣水災漂沒人口衝壞橋

堰沙石積壓田畝經大府 奏請分別蠲豁賑卹

有差俱邑志 十年宣平大旱南鄉為甚縣令王愷

請賑不允晉郡泣求得賑邑志 十四年慶元大饑

十六年宣平大旱縣令楊士雲詳請賑濟 十

七年雲和大饑民食老鴉蒜及觀音粉景甯是年

大雨雹七月大水成災人民饑困有星光芒長數

廬州府志 卷之三十三  
十丈 二十一年宣平大旱縣令嚴芝芳詳請賑  
濟穀一千四十八石 二十五年雲和大旱災民  
食草木七月二十三日大水壞民田禾盡淹景甯  
旱饑

道光元年松陽大旱饑殍甚衆龍泉自夏至後歷四  
月不雨成災雲和大饑斗米錢四百景甯亦大饑  
四年雲和大饑縣令李世綬按戶賑卹 十一  
年春緡雲米騰貴斗值錢七百自夏徂秋蟲蝕松  
針殆盡 十二年緡雲復大旱饑道殣相望宣平  
大旱縣令李興元詳請賑卹穀七千九百五十三

石六斗銀四千七百七十二兩一錢六分地丁錢  
糧緩徵 十三年景甯大疫七月大水平地丈餘  
是歲饑冬大雪雲和大雪凍飢流亡者不可勝數  
龍泉是年大旱鄉民來城覓食多餓斃道旁者  
十四年五月麗水大水沙石壅積田地二十頃三  
十四畝有奇秋疫斗米錢六百鹽一觔值百十松  
陽大旱穀價甚昂雲和於五月大水漂沒沿溪田  
廬秋旱斗米錢三百鹽觔值錢百景甯是秋大旱  
斗米錢三百鹽觔值百餘民食草木道殣相望縣  
令鄭邦漣詳請賑常平倉穀 十五年松陽大旱

賑濟雲和大旱民食樹皮草根秋疫道路積尸無  
算縣令李錫恩按戶賑卹之 十六年宣平旱秋  
電縣令黃維同詳請緩徵雲和是年饑

同治二年景甯饑斗米值錢百餘俱邑志

光緒二年宣平大水淹斃男女二十餘人衝沒田地  
十七頃有奇知府潘紹詒詳請賑卹錢五百緡  
三年五月宣平復大水賑卹如前

處州府志卷之二十五終

